

古

泉

匯

古泉匯利集卷十三

南宋




寧宗錢背文自元至六俱全按寧宗改元慶元凡六年彙考有

背無字者



折二錢背自元至六全當三錢四五六三種食貨志慶元三年復神泉監以銅器鑄當三錢卽此吉金錄尚有背下三字者



此泉形製重大背文繁多爲宋錢中僅見者吉金錄據宋史慶  
元元年鑄當五錢故疑前大錢爲當五然別無當三錢今仍以  
前品爲當三而當五錢未見此錢曰五十料應係當五十者曰  
元年改鑄或當時鑄當五未久卽改鑄此錢歟爲鮑子年所藏





鐵小平錢背同安監者自元至七全斬春監者缺元字漢陽監

者三種面俱右旋讀未品上下讀背亦春三按慶元紀元僅六年此同春七字者費解本紀慶元六年十二月癸卯詔改明年爲嘉泰元年考十二月屬癸未朔則癸卯屬二十一日已屆歲杪各監遠隔數千里新春尙未奉詔故仍以爲慶元七年也彙考背文有春元者漢有二三四字者亦有面文上下讀者




鐵折二錢篆書背文不晰







鐵折二真書錢背文同安監者紀年全  
蕪春監者缺元字漢陽  
監者缺五字棠考兼有春元漢五兩種



大鐵錢面文元寶背上川字乃西川所鑄注見建炎川字錢劉  
燕庭得此諸品於蜀中尤可證其下伍字似紀直或紀年其上  
川三川六者似紀地兼紀年其左右及下數目字皆紀範次第




大鐵錢面文通寶背上仰月二星下五一至五六全俱冠以五  
字應係當五錢一至六似皆紀年也亦劉燕庭在川所得



亦寧宗錢背文自元至四全慶元改嘉泰見前又有背無文者



折二錢背文自元至五全按本紀嘉泰四年十二月己亥詔改  
明年爲開禧元年紀年不應有五字翁宜泉曰亦猶慶元之有  
七字也注見前末品春三獨異按宋銅錢無紀監名者有之自  
此錢始戴醕士有銅嘉定錢背文同三者謂之試範錢蓋鐵範  
初成先以銅汁試鑄者故不常有也



大錢背無文

西清古鑑此錢蓋當三與慶元當三錢同



鐵小平錢背紀同春共三種缺元字彙考俱有之又有面元寶背同元者



鐵折二錢俱曰元寶背同春三種利字四種注見紹興小鐵錢  
利元者亦紀年元五者元上者紀年兼紀次第端平錢有上中  
下者與此同六十者亦紀次第也



鐵折二錢背文同春漢共七種本紀嘉泰三年四月出封椿庫  
兩淮交子一百萬命轉運司收民間鐵錢七月權罷同安漢陽  
新春三監鑄錢九月命鐵冶司毀私錢改鑄故今見鐵錢紀年



者止於三字



鐵大錢似當三背上川字西川所鑄一至三皆紀年下卅八至

四一則紀範數也



亦寧宗錢改元開禧注見嘉泰折二錢董道曰開禧有元寶通  
寶今銅錢未見元寶者彙考又有背無文者





鐵小平錢同春三種折二錢同春漢七種本紀開禧元年復同

安漢陽新春三監彙考有同三折二錢



鐵當三錢背利字利州鑄定字定城監鑄宋史紹熙三年五月  
命漢陽荆門軍行鐵錢六月廢光州定城監或旋廢旋復故仍


鼓鑄川三者四川鑄兼紀年背下數目則紀次第也



亦寧宗鐵錢背上利壹川壹下俱篆書五字朝野雜記嘉定元年四川初行當五大錢利州紹興監錢以聖宋重寶爲文背鑄利一二字又鑄五字云云與此一品恰合一字俱增筆作壹亦似紀數五字則紀直也次三二品亦同時西川所鑄







亦寧宗錢小平折二兩種背文俱自元至十四 西清古鑑按

開禧四年改元嘉定吉金錄嘉定十八年理宗始即位錢應自

元至十七茲缺三種末品背同三係試範錢注見嘉泰折二錢





當十大錢背文折十次左右各七星錢幣考嘉定元寶有背文  
折十者史不載永樂大典嘉定元寶錢其文真書背有折十兩  
字其錢極大與此圖正合




鐵小平錢元寶一品背上紀地下一字蓋紀直也漢字下無字者一品紀年者三品紀年上字不晰者一品彙考尙有春八者漢三者漢八者



鐵折二錢俱曰元寶一背無文二下月三上下月四上二字南  
宋鐵錢皆紀地此無地名爲異五六邛西一邛西二邛州所鑄  
朝野雜記嘉定元年四川初行當五錢邛州惠民監錢以嘉定

重寶爲文背鑄西二二字又鑄五字其料並同當三錢按雜記所言係當五錢見後此二品無五字似折二或當時本有二種歟









鐵折二錢背同字三種本紀嘉定七年復罷同安監鑄錢故同  
 字者少春字自元至十二漢字自元至十三面文各有右旋讀  
 上下讀二種













鐵當三錢一篆書餘俱真書面文元寶新寶永寶真寶珍寶崇  
寶洪寶興寶萬寶正寶安寶全寶之寶共十三種背文三字者  
紀直三三者一紀直一紀數按嘉定折三錢舊譜無考然此諸  
品大於折二小於當五且當五錢背紀五字此多紀三字故知  
爲當三無疑星月者做舊式利州者紹興監鑄定字者光州定

城監鑄









鐵當五錢面文元寶通寶重寶珍寶興寶全寶之寶至寶共八  
種重寶篆隸真三體餘皆真書背文當五行五用五直五折五  
通五正五皆當五之義凡五字皆紀直也西二三定二利壹三  
等皆紀地兼紀範數惠字者惠民監鑄按宋史紹興三十一年  
復置邛州惠民監通考嘉定元年卽利州鑄當五大錢三年又  
於紹興惠民二監歲鑄共三十萬貫其料並同當三錢



古泉匯利集卷十四

南宋



理宗錢宋史本紀寶慶元年七月詔行大宋元寶錢無鑄寶慶  
錢明文且歐陽文忠歸田錄曰開寶鑄錢曰宋通元寶寶元中  
曰皇宋以文不可重也此就北宋言之然南宋寶慶曰大宋寶  
祐曰皇宋固循舊例也不應有寶慶錢翁宜泉曰是鑄於元年

七月未頒大宋錢式之前者然哉



鐵小平錢一折三錢三惠紀監名注見嘉定錢正三及三字皆

紀直也末背無文





亦理宗錢小平折二兩種背元二三俱全宋食貨志寶慶元年  
 新錢以大宋元寶爲文案考二種俱有背無文者背上星者



大錢背文當十宋史不載爲呂堯仙所得宋錢之罕見者






鐵錢一二小平背上春下紀年三折二四以下折三背泉字西  
字及利州皆紀地注並見前三字皆紀直




亦理宗錢背自元至六全


西清古鑑按寶慶四年改元紹定



折二錢背亦自元至六全末背無文






大錢似當三文曰元寶亦舊譜所無




鐵錢小平背春字三種五字一種漢字二種折二二種背不斲

面俱通寶當三一種曰元寶鐵錢背多紀地此五字專紀年當  
 三背無文俱異彙考小平錢春漢二種均自元至五全又有紹  
 定萬歲錢



亦理宗錢小平曰元寶背元字紀年折二曰通寶當五曰通寶  
 重寶折二篆書餘真書 西清古鑑按紹定七年改元端平錢  
 幕韻編有背二字三字者泉史重寶有極大者







鐵當五錢文口元寶一右旋讀餘上下讀背伍字皆紀直邛地名定監名俱見前北東紀監之方位上中下紀範之次第也





亦鐵當五錢文曰通寶背惠字惠民監鑄東西上中下紀方紀  
次第與前同




鐵當十錢仿大宋當十錢式而差小背文折十穿右利字蓋利州所鑄



亦理宗錢背文自元至四全按端平三年改明年爲嘉熙元年  
彙考有背無文者又有鐵錢



折二錢背亦自元至四全宋食貨志新鑄當二並小平錢以嘉熙通寶爲文當三錢以嘉熙重寶爲文彙考折二錢亦有背無字者背下一字者又有鐵錢



當三錢注見前泉史又有大錢逾此錢三倍較當十者更過之  
陳萊孝曰嘉熙重寶亦有大小二種背文年數皆止於四





亦理宗錢背文自元至十二全按理宗改元淳祐凡十二年彙

考又有背無文者







折二錢背亦自元至十二全



大錢背上慶字左右當二十文舊譜未載爲劉燕庭所藏燕庭





疑慶字爲監名然無可考且銅錢皆不紀監名姑闕疑可也



篆書大錢背文當百吉金錄據陳輿伯云宋自開寶以來各路  
置錢監有折二折三折五之殊自蔡京當國專以利惑人主崇  
寧大觀當十錢通行論者擬之景王大錢然未聞當百也理宗

朝軍興勞午殆以是承其乏也



真書當百大錢大小二品小者形與當二十者同而所直懸殊  
 錢法之壞可見泉幣圖說又有淳祐重寶錢



鐵大錢背亦當百與銅錢同字不晰





亦理宗錢小平當二兩種背文俱自元至六全宋食貨志寶祐

元年新錢以皇宋元寶爲文蓋亦以寶字不可重也




小鐵錢面穿下字不晰背平按北宋亦鑄皇宋錢皆上下讀此  
右旋讀故定爲南宋物彙考折二錢亦有鐵者



亦理宗錢小平折二兩種 西清古鑑按本紀開慶元年行開

慶通寶錢吉金錄按理宗改開慶僅一年又改景定故背文止  
元字彙考又有鐵錢背上漢字者



亦理宗錢背文自元至五全續通考景定元年詔鑄新錢以景  
定元寶爲文



折二錢背文亦自元至五全按景定紀元僅五年六年卽傳位  
度宗也宋自開國以來代有鐵錢止於景定景定元寶小平鐵  
錢曾見拓本以後不復見鐵錢矣



度宗錢背文白元至八缺四字







折二錢背文自元至八全永樂大典宋史咸淳元年鑄錢文曰  
咸淳元寶有小錢折二折三凡三等今未見折三者



恭宗錢小平折二二品背皆無文宋史幼主德祐元年鑄德祐元寶按此錢傳世甚少



端宗錢背亦無文泉幣圖說景炎通寶端宗福州鑄宋史不載

此錢更少曾於友人處見之

○臨安府行用

○準參伯文省

○臨安府行用

○準伍伯文省

南宋銅鑄牌面文同背文準三百五百者又有壹百貳百者未見宋史職官志建炎三年詔改杭州爲臨安府此牌金石契謂高宗行軍缺用此權濟一時非常法也故史不書其事愚按史

既失載未必定屬高宗然爲南宋物無疑故附南宋末其形迭加曰準者與一刀平五千平字義同曰省者彙考云通考漢隱帝時舊制錢出入皆以八十爲陌王章爲三司始令人者八十出者七十七謂之省陌粵西金石略宋修桂州城圖記支用錢四萬四百八十貫三百五十三文省關子七百六十六貫文省宋史理宗本紀景定五年詔行關子銅錢法每百作七十七文是王秋澗集中統元寶壹貫文省貳貫文省注文省如七十足陌八十足陌鈔文故作文省參考諸說是省者錢數不足之謂也可與此牌互證

附未見南宋錢

招納信寶


紹興元年劉光世鑄

古泉匯利集卷十五

遼



遼太祖錢 西清古鑑按遼耶律阿保機於後梁末帝龍德二  
年改元天贊遼史食貨志鼓鑄之法先代撒刺的以土產多銅  
始造錢幣太祖襲而用之遂致富強以開帝業劉燕庭云有真  
書者



景宗錢 西清古鑑景宗保甯十一年改元乾亨是爲宋太宗  
太平興國四年食貨志景宗以舊錢不足於用始鑄乾亨新錢  
錢用流布按南漢亦有乾亨錢文皆上下讀此右旋讀



亦道宗錢元寶通寶二種安字各異按大康十年冬改明年爲大安寶宋元豐八年也


王正時曰金曰徽曰中其類




亦道宗錢遼史食貨志道宗世錢有四等曰咸雍曰大康曰大安曰壽隆而泉志以爲壽昌錢大昕潛硯堂金石跋曰安德州靈巖寺碑云壽昌初元歲次乙亥洪遵泉志有壽昌元寶錢引東北諸蕃樞要云契丹主天祐年號壽昌又引北遼通書云天



祚卽位壽昌七年改元乾統今遼史作壽隆初疑泉志之誤然  
所見遼時石刻稱壽昌者多矣無云壽隆者東都事略文獻通  
考皆宋人書亦稱壽昌其以爲壽隆者遼史之誤也况遼人謹  
於避諱光祿卿改崇祿避太宗諱也女真改女直避興宗諱也  
追稱重熙爲重和避天祚嫌名也凡石刻遇光字皆缺畫或作  
光道宗者聖宗之孫而以壽隆紀元犯聖宗之諱此理之必無  
者矣彙考引正閏考亦云遼道宗年號壽昌東都事略范成大攬輿錄又云壽昌元年爲宋紹興二年今未見壽隆錢





天祚帝錢洪志天祚改元乾統注見前董道曰宋崇寧元年延  
基鑄禧誤作基彙考乾統元年爲建中靖國元年崇寧元年乃  
乾統二年也



亦天祚帝錢元寶通寶二種遼食貨志天祚之世更鑄乾統天  
慶二等新錢 西清古鑑天祚帝乾統十年改元天慶則宋徽  
宗政和元年也按遼錢皆右旋讀惟開泰及天慶通寶作上下  
讀又有通寶背上月者遼代典章文物半不可考卽史亦多云  
未詳卽如大安錢今世尚有而志以爲肉好銖數無所考修史  
者之疏略可見且遼志鑄錢歲五百貫較之宋神宗時歲鑄六  
百餘萬貫多寡懸殊故今北宋錢多而遼錢甚少所可稽者僅


此

附  
偽齊劉豫




偽齊劉豫錢篆真二種俱曰元寶三品微大似當二宋高宗本  
紀建炎四年七月金人立劉豫爲帝國號齊九月劉豫僭位於


北京叛臣傳建炎四年劉豫卽僞位十一月改明年爲阜昌按  
阜昌元年卽宋紹興元年也金史食貨志金初用遼宋舊錢天  
會末雖劉豫阜昌元寶阜昌重寶亦用之吉金錄豫係景州阜  
城人知濟南府叛降金金人冊立爲帝改元阜昌紹興七年金  
人執而廢之凡八年滅爲時甚暫故錢絕少






亦元寶錢似當三永樂大典金史天會八年濟南劉豫爲帝改  
元阜昌當時所鑄錢凡六品大重寶次通寶小元寶並皆真篆  
制作頗精 戶所見元寶亦有大者



通寶錢一篆書次直書似當一金史所稱六品錢次曰通寶此  
二品正合




亦通寶錢篆書似當三



重寶錢篆真二品似當二或當五

附西夏李乾順仁孝純祐安全遵頊



西夏梵書錢三品洪志梵字錢不可辨大抵類屋馱吐蕃錢此錢今所見者尙不止三品皆不可識吉金錄據劉青園曰涼州出土古錢數甕其中唐宋遼錢及西夏元德天盛乾祐天慶皇建光定諸品皆有而此種梵字錢亦有數品又嘗於涼州大雲寺訪得古碑碑陽正作此等字碑陰楷書則天祐民安五年乃



知此錢爲西夏梵書劉燕庭曰曾以所藏西夏天祐民安碑字證之筆法無異其爲西夏錢無疑按天祐民安紀元尙在元德以前則此錢當是西夏開國時物尙與中華文字不通迨後改用漢字始有元德以下諸品也




崇宗李乾順鑄鍾官圖經按元德爲夏崇宗年號西安載記紹興二十八年爲夏仁宗仁孝天盛十年始立通濟監鑄錢元德


中並未聞鼓鑄然史冊疏略往往有之况西夏僻在偏隅文物未備耶未必天盛以前卽無鼓鑄也



仁宗李仁孝錢 西清古鑑夏人慶六年改元天盛時則南宋高宗之紹興十九年而金煬王之天德元年也宋史西夏紀天盛十年立通濟監鑄天盛元寶錢今銅錢少而鐵錢多



鐵錢制作文字與銅錢同



亦仁宗錢吉金錄按天盛二十一年改元乾祐五代漢隱帝亦號乾祐然羅中請在京置監鑄錢疏奏不報是未嘗鑄也此錢

制作精妙類西夏錢故附於茲



鐵錢與銅錢同今亦銅者少而鐵者多



桓宗李純祐錢吉金錄按仁孝子嗣立改元天慶遼天祚帝亦

有天慶錢與此異




襄宗李安全錢按桓宗弟卽位應天四年改元皇建




神宗李遵頊錢按遵頊於皇建二年僭位改元光定

金





煬帝錢次品背四面月金食貨志金初用邊宋舊錢並製交鈔  
海陵王正隆二年始議鼓鑄中都置錢監曰寶源曰寶豐京北  
置錢監曰利用文曰正隆元寶 西清古鑑金煬王貞元四年  
改元正隆則宋紹興之二十六年也



鐵錢與銅錢同文




世宗錢背月星申酉字共七種 西清古鑑按史大定十五年  
增鑄新錢十八年代州立監錢文曰大定通寶二十七年曲陽  
縣鑄錢別爲一監二十八年京府及節度州增置流泉務金代  
鼓鑄是時最盛背文申酉亦紀年也彙考有背上月下星者四  
面月者上作小圈者◎形者



一面下左右二星次較大濶緣似當二錢金食貨志大定錢世



傳其料微用銀茲品銅色純白殆和銀所鑄



同文二品一面背正書一背倒書三面背無文然形制銅色與  
大定錢無異又有面文正背文向左者



一背上申左右半分二上申下十左一右不晰三穿上兩面申  
字亦大定之合背同文者也彙考又有申半分錢穿下雙圈者  
又有上半下分左右二圈者四旁卦象者劉燕庭有面申背西  
俱在穿上者




面文大定無通寶字背上下左右四圈




一背文聖宋元寶篆書錢質窳薄非兩枚粘合者與聖宋錢背  
文唐國通寶者同均不可解次品背正隆元寶篆考又云有大



定背文崇寧者金代錢制多仿宋徽宗錢於此益信




大錢背申字在左向右書形製之鉅爲金錢所僅見史無明文  
不知行用若何爲吳我鷗所藏又有背上齊字者不可解



鐵錢與鑄錢同金史不載






章宗錢六品以次迭大一小平錢篆書餘真書二三四似當二五六似當三按史稱鑄大錢此外無明文鍾官圖經有泰和通寶錢似當二而小平當三兩種則諸譜未載然是錢確非偽品可補史冊之缺三背文上王下一不可解左右星月則仿舊式然仰月在左亦剝見也四背不晰上下似一分左右似二錢或

記直耶




合背錢亦似當二



當十錢



西清古鑑按食貨志稱泰和四年鑄大錢一值十篆

文曰泰和重寶與鈔並行此錢是也






一合背次面背俱四曲文向外窠考有合背背文向上者吉金  
錄有面文傳形背四曲文者



五公楚印  
六公金印  
七公銀印

此口更夫於當十者史亦不載未識行用若何



宣宗錢諸譜未載彙考亦云未見惟據淵鑑類函金宣宗鑄貞祐通寶錢又按食貨志貞祐四年或請鑄當百大錢後亦不用或宣宗時亦曾鑄錢與鈔並行歟

附 未見遼金西夏錢

應歷通寶 應歷重寶 遼穆宗

康國通寶 遼德宗

感天元寶

遼感天皇后

天授通寶

夏景宗

大德元寶

夏崇宗

乾定元寶

夏獻宗

承安寶貨

金章宗